



Te Kaupae 1 Ngā Mahi a te Rēhia 2025

92064 Te whakamahi i ngā āhuatanga toi rēhia kia puta ai he mahinga toi

Ngā Whiwhinga: E 4

Kairangi	Kaiaka	Paetae
Ka whakamahi i ngā āhuatanga toi rēhia e whai tikanga ana kia puta ai he mahinga toi.	Ka whakamahi i ngā āhuatanga toi rēhia e whaitake ana kia puta ai he mahinga toi.	Ka whakamahi i ngā āhuatanga toi rēhia kia puta ai he mahinga toi.

HE TAUAROMAHĪ

No part of the candidate's evidence in this exemplar material may be presented in an external assessment for the purpose of gaining an NZQA qualification or award.

Tā te ākongā (Kairangi)



Rehia 1.4

Ketemanarua

Ngā Mahi a te Rēhia Te Kaupae 1

Te Tautuhinga Aromatawai ā-Waho 2025



Te Paerewa Paetae	92064
Te Ingoa o te Paerewa Paetae	Te whakamahi i ngā āhuatanga toi rēhia kia puta ai he mahinga toi
Ngā whiwhinga	E 4
Te Marau	Te Marautanga o Aotearoa: Ngā Mahi a te Rēhia
Te Wāhanga Ako	Tukutuku Ako
Te Tukanga Aromatawai ā-Waho	He Kete Manarua
Te Momo Tāpaetanga ā-Matihiko	He konae tuhituhi – .PDF (5–20 whārangi) He kiriata – .mp4 .avi .mov .m4v (5GB)
Te Rā Tuku Aromatawai ā-Waho	Te Wāhanga 4 – Te 29 o Oketopa, 2025
Ngā Wātaka Aromatawai ā-Waho	1. Te Wātaka Whakamātautau 2025 2. Te Wātaka Aromatawai ā-Waho 2025



Timatanga Kōrero


I tēnei tau i ruku hohonu mātou ki ngā kōrero tukuiho mō Te Pakarūtanga o Tarawera, I tae atu mātou ki Te Wairoa ki reira takahi i te nuku o te whenua, i eke poti i āmio i te roto o Tarawera, whakawhiti atu ki Te Ariki ka haere ma raro takahi i ngā tapuwae a o tātou matua tipuna ki te roto o Rotokakahi, ki reira tanumia ai ngā tāonga whakamīharo o te ao, arā a Te Tarata me Otukapuarangi.

I tae mai a Whaea Tiaho Fairhall, kauhau mai ki a mātou ngā kōrero tukuiho, ngā kōrero whakapapa anō hoki. Koinei te timatanga o ngā akoranga mo Te Pahutanga o Tarawera.

I tenei tau i tito etahi o ngā taurira o Te Wharekura i tēnei waiata a ringa, nā mātou ngā nekehanga me ngā a ringa i tito, i whakaako hoki ki ngā taurira o Te Wharekura. Ko tā mātou he whakamahi i ngā huanga toi Rēhia kia puta ai tēnei mahinga toi.

Tohua ko wai koe i te whakaaturanga Toi Rehia


Ko ahau tēnei



Te Whakamārama a tuhi

Kupu:

Tarawera, Wahanga, Ruawahia
Hotuhotu ana te whatumanawa
Ki te rū o Ruaumoko



Whitinga tuatahi

Whakamāramatanga


E kōrero ana te whitinga tuatahi o te waiata nei e paa ana ki te pakarutanga o nga maunga e toru, ara ko Tarawera, Wahanga me Ruawahia.

I te tau 1886 oho mai a Ruaumoko, ka pahu ngā Maunga e 3, e ai ki etahi na runga i ngā mahi matapiko a te Māori, ara te takahi i nga tikanga, he wairua matapiko, kāre hoki i tiaki i te whenua, rū ai a Ruaumoko, ahakoa ngā tohu o te whenua, me ngā whakatūpatō o te Tohunga o Tuhoto Ariki, kāore te iwi i whakarongo atu.

I tēnei whitinga i te hiahia kia whakapuaki i nga kare a roto a te iwi, hotuhotu ana nga whatumanawa i te ngarohanga o te whenua, nga taonga whakamiharo o te ao, arā ko te mauri o te whenua. E moe

Kupu:

Hū ana ngā maunga
Whaititiri ki te rangi
Hikohiko ki te whenua
I te rū o Ruaumoko



Whitinga tuarua

Whakamāramatanga

Na i timata ngā maunga ki te hū i waenga nui pō. I te rua karaka i te ata i pāhu ngā maunga e toru, a ka puta te rangitoto, ka mate te iwi.

Whaititiri ki te rangi, hikohiko ki te whenua

I waenga i te pāhutanga o Tarawera e ai ki te niupepa o Te Korimako i kite i te iwi i te pungarehu, i te whero o te rangi, waititiri ki te rangi, hikohiko ki te whenua. Haruru ana te rangi me te whenua.

Na e ai ki ngā kōrero na te nui o te pungarehu i te rangi ka kite hoki ki Tamakimakaurau.

Whitinga tuatoru

Kupu

E heke ngā roimata

Ki a rātau kua riro ki te pūtahitanga o
Rehua

Haere rā, rātau mā

Wahangu



Whakamāramatanga

E heke ngā roimata, e hotu tōnu
ana tātau ki ngā mate i riro ai i te
pāhutanga o Tarawera.

Ki a rātau te hunga mate i riro ki te
putahitanga o Rehua, e ōku tupuna
moe mai rā i roto i te aroha me te
rangimarie.

I te mutunga o te pāhutanga ka
rongo i te mauri tau ki te whenua, a
ka wahangū.

Whitinga mutunga

Kupu

Tanumia ki te paru

Rere ana te pungarehu

Aio ki te whenua

I te rū o Ruaumoko

Whakamāramatanga

Ko ngā whare katoa i te whenua rā
ka tanumia ki raro te paru. He ahua
9putu i maha o te paru i runga i te
mata o te whenua.

Rere ana te pungarehu ki te rangi, ka
rongo te aio ki te whenua, nā te riri o
te atua i whiua ki te tangata, i whiua
ki te whenua.

E hora noa mai rā te mamae i te kiri,
ki te iwi ka wehe.

Te whakamahinga i ngā āhua huanga toi rēhia

Nekehanga: *Movement, actions*


Āhua: *Shape*

Mokowā: *Pause*

Oro: *Sound, Voice*

Reo: *Volume*

Whakakapinga



Kei te kite ka nui ngā akoranga na tenei he ngawari noa te tito i etahi aringa e hangai pu ana ki nga kupu o te waiata nei. Na nga mahi rangahau tutuki ai tenei wahanga ki a matou. Ki ahau ka nui nga huanga toi rehia ka whakamahi e matou, penei i te nekehanga, nga āhua, te whakamahinga i te moko wā anō hoki. Ahakoa he toko iti mātou i ngāna hoki ki te whakaatu i te taha oro me te tūmanako ka reka ake te iere

me te rangi o te waiata nei.

Anei ētahi o ngā huanga toi rēhia i whakamahi e mātou e puta ai tēnei mahinga toi. Ki ahau e ora tonu ai ngā korero tukuiho me ngā kōrero whakapapa i roto i ngā āhutatanga toi rēhia.

Hei whakakapi, kei runga ake ngā kōrero nō te niupepa o Te Korimako, te putanga tuatahi nō te pahutanga, kua waiho hei maharahara ma te ngākau i ia te tau, i ia te tau.

Tohutoro

Kauhau: Tiahomarama Fairhall, Hurungaterangi Marae (Te Ra) Kaupapa, Te Pahutanga o Tarawera.

Niupepa: KORIMAKO, issue 54, 23 August 1886, Page 3. Te Aitua nui ki te Rohe o Te Arawa.

Kairangi

Te Wāhanga Ako: Ngā Mahi a te Rēhia

Te Paerewa: 92064

Te Maaka: 08

Te Tūmahi	He Pitopito Kōrero
<p>Tuatahi</p>	<p>Kua whānui te rangahau, ka mutu kua mārama hoki te whakaraupapa mai o ana ake whakaaro i roto i tana whakamāramatanga. Inā rā, nā te nui o te rangahau me te hōhonu o ana mōhioanga ki te kaupapa i tino puta ai ōna ake kare ā-roto i tana tū, nā tērā kua whai hononga, whai aronga, whaihua anō hoki i roto i te horopaki o te tū.</p>